

va nullo modo, sed ne recta quidem nimie et inordinate proferantur: quia saepe dictorum virtus perditur, cum apud corda audientium loquacitatis incauta importunitate levigatur: et auctorem suum haec eadem loquacitas inquinat, quae servire auditoribus ad usum profectus ignorat. Unde bene per Moysen dicitur: vir qui fluxum seminis patitur, immundus erit. In mente quippe audientium semen secuturæ cogitationis, est auditæ qualitas locutionis: quia dum per aurem sermo concipitur, cogitatio in mente generatur. Unde et ab hujus mundi sapientibus praedicator egregius seminiverbius est vocatus. Qui ergo fluxum seminis sustinet, immundus asseritur: quia multiloquio subditus, ex eo se inquinat, quod si ordinate præmeret, prolem rectæ cogitationis edere in audientium corda potuisset: dumque incautus per loquacitatem difflit, non ad usum generis, sed ad immunditiam semen effundit. Unde Paulus quoque cum discipulam de instantia praedicationis admoneret, dicens: testifor coram Deo et Christo Jesu, qui judicaturus est vivos et mortuos, per adventum ipsius et regnum ejus, praedica verbum, insta opportune, importune: dicturus importune, praemisit opportune: quia scilicet apud auditoris mentem ipsa sua vilitate se destruit, si habere importunitas opportunitatem nescit.

CAPUT V. UT SIT RECTOR SINGULIS COMPASSIONE PROXIMUS, PRAE CUNCTIS CONTEMPLATIONE SUSPENSUS.

Sit Rector singulis compassionē proximus, p̄ae cunctis contemplatione suspensus: ut et per pietatis viscera in se infirmitatem ceterorum transferat, et per speculationis altitudinem semetipsum quoq;æ invisibilia appetendo transcedat; ne aut alta petens, proximorum infirma despiciat, aut infirmis proximorum congruens, appetere alta derelinquit. Hinc est namque quod Paulus in paradisum ducitur, caeli que tertii secreta rimatur, et tamen illa invisibilium contem-